

उपमुख्यमंत्री सुरेन्द्र चौधरी हों गणतंत्र दिवस कैम्प 2026 च हिस्सा लैने आहलें ते बेहतरीन कारकरदगी दस्सने आहलें जम्मू-कश्मीर ते लद्दाख निदेशालय दे एन.सी.सी. कौटें कन्नै कल मलाटी कीती। कन्वेंशन सेंटर जम्मू च उपमुख्यमंत्री होंरें उन्दे

अनुशासन- आत्मविश्वास ते निष्ठा दी सराहना कीती ते आखेया जे उंदी इस गल्ला लेई राष्ट्रीय स्तह पर सराहना होआरदी ऐ।

चौधरी होरें कैटें गी आखेया जे ओह स्टेई मायनें च जम्मू-कश्मीर दे दूत न। जम्मू ते कश्मीर ते लद्दाख निदेशालय दी सराहना करदे होई उपमुख्यमंत्री होरें आखेया जे एन.सी.सी. दे कार्यक्रम च हिस्सा लैने कन्नै युवाएं च एकता- बहादुरी ते अनुशासन आहली भावना गी बल थहोंदा ऐ।

<><><><><><>

Satish- Cinema

मंत्री सतीश शर्मा होरें कल इंदिरा थैटर जम्मू आले मूवी टाईम सिनेमा च आयोजित Batt कोच फिल्म आले इक वशेश कार्यक्रम दरान मकामी फिल्म निर्माताएं ते सांस्कृति कन्नै जुड़े दे लोकें दे जतनें दी सराहना कीती ते आखेया जे इनें लोकें सिनेमा दे राहें कश्मीरी भाषा ते परम्पराएं गी बढ़ावा देने च टकोहदा योगदान दिता ऐ। आकाशवाणी दे जम्मू संवाददाता दी रिपोर्ट मुजब इस मौके किट्ठै गी सम्बोधित करदे होई मंत्री होरें आखेया जे क्षेत्रिय सिनेमा सांस्कृति पंछान गी बचाने ते जम्मू-कश्मीर दी समृद्ध विरासत दे संरक्षण लेई महत्वै आहली भूमिका निभांदा ऐ। उंनै जोर देइयै आखेया जे Batt कोच जनेह जत्न इक महत्वै आहला मंच उपलब्ध करोआंदे न- तां जे खिते दे इतिहास- ज़ज्बात ते समाजी ताने-बाने गी खरी चाली दस्सी सकन।

<><><><><><>

Kishtwat Encounter

सुरक्षाबलें किश्तवाड़ जिले च इक टाकरे दौरान इक आतंकवादी दा सफाया करी दिता ऐ। व्हाइट नाइट कोर नै सोशल मीडिया दी इक पोस्ट “एक्स” पर दस्सेया जे आप्रेशन Trashi-I आतंकवादियें दे खात्में लेई चलाया जा’रदा ऐ ते इक आतंकवादी मारेया गया ऐ। स्टाइ संवाददाता नै जानकारी दिती ऐ जे सुरक्षाबलें दी सांझी टीम आस्सेया किश्तवाड़ जिले दे छात्रु इलाके च इक सांझी कारवाई कीती गई। सुरक्षाबलें इलाके दी घेराबंदी करियै तपाशी अभियान चलाया- जेदे मगरा एह टाकरा भखी पेया। इससै टाकरे च इक आतंकवादी मारेया गया।

<><><><><><>

जम्मू दे िप्टी कमीशनर ाक्टर राकेश मिन्हास होरे सुचेतगढ़ ब्लाक दे Upper Chakroi थाहर ब्लाक दिवस कार्यक्रम च हिस्सा लैता। इस दौरान उन्हें लोकें दियें समस्याएं गी सुनेया ते सरबन्धी मैहकमें गी उन्दे हल आस्तै निर्देश दिते। किट्ठै गी सम्बोधित करदे होई िप्टी कमीशनर होरें भरोसा दोआया जे सिंचाई लेई पानी खीरले खेतर तगर पुज्जोग। इस मौकें नैहरें च पानी दे लोड़चदे रहोड़ गी बनाई रक्खने ते कमियें-पेशियें गी दूर करने लेई व्यापक योजना बी बनाई गई ऐ।

<><><><><><>

Weather

मौसम विभाग नै जम्मू-कश्मीर च अगले इक हफ्ते तोड़ी मौसम आमतौर पर खुश्क रौहने दी पेशगोई कीती ऐ पर उच्चियें धारें पर मौसम च किश बदलाव होई सकदा ऐ। आकाशवाणी संवाददाता नै मौसम विभाग दे हवालै नै जानकारी दिती ऐ जे अज्जै थवा गास आमतौर पर साफ रौहने दी मेद ऐ। पर 6 फरवरी गी रातीं लै उच्चियें धारें पर किश थाहरें हलकी बर्फबारी होई सकदी ऐ। 7 ते 8 फरवरी गी मौसम आमतौर पर साफ रौहग उआं 9 ते 10 फरवरी गी किश थाहरें पर हलकी बरखा ते बर्फबारी होई सकदी ऐ। 11 ते 12 फरवरी थमां मौसम फही आमतौर पर खुश्क गै रौहग।

<><><><><><>